

ACTUS PASSIONALIS,
DE
TRISTITIA
ANIMÆ CHRISTI,

IN GYMNASIO THORUNIENSI

*Feria VI. Hebdomadis Magnæ
post Sacra pomeridiana
exhibendus,*

Cui ut benevoli intersint,

ea quæ par est reverentia & humanitate

MECÆNATES, PATRONOS, SINGU-
LOSQUE BONÆ MENTIS FAVITORES,
PIOSQUE PASSIONIS DOMINICÆ
ÆSTIMATORES

invitant

PROFESSORES ET VISITATORES.

THORUNII,

Excudebat Johannes Conradus Rügerus, Nobiliss. Senatûs & Gymnasii
Typographus, Anno 1706.

I. N. J.
LECTURIS

Cum debita cultus & honoris præfatione

S. & O.



CHRISTUM vitæ nostræ spiritualis & æternæ Statorem tempore Passionis suæ cruentissimæ æternos infernalesqve dolores in anima sua sanctissima sensisse Christianorum & Orthodoxorum Schola devotè credit, licet partim multi intra, partim extra Ecclesiam, salutiferum hoc dogma in dubium vocare, & πῦρ καὶ λαῖξ pernegare non erubescant. De hoc argumento pro ratione temporis & loci ut differamus, prius Controversiæ Status rectè formandus est, ne Andabatarum more videamur pugnare. Prænotanda ergo veniunt sequentia. 1.) Christum non tulisse cruciatus infernales in πῖρ Damnatorum; Infernus quippe duplex est, pœnalis & localis: de illo, non de hoc nobis sermo est. 2.) Christum pro omnibus mortem infernalem verè degustasse. *Ebr. II. 9.* 3.) Christum non tolerasse omnes ac singulas inferni pœnas, quales sunt desperatio, de gratia DEI Patris dubitatio, blasphemia, vermis conscientiæ, & id genus aliæ, quæ oriuntur è defectu damnatorum, super quos ira DEI manet in æternum. *Joh. III. 39.* 4.) Christum non post, sed ante mortem, tam in horto Oliveti, quàm in ara Crucis ignominiosissima horrores inferni expertum esse, atqve iram DEI peccatis hominum debitam, in innocentissima anima sua sensisse, qui divinæ iræ sensus, est mortis secundæ gustus. 5.) Christum subiisse mortem æternam, sed non æternum, angoresqve infernales passum esse, ita tamen, ut non omnes articulos, sed apices eorum, nec omni duratione, sed æquivalenti temporis intervallo sentiret. 6.) Christum hos intensissimos mœstitiæ immanissimæ angores secundum utramqve animæ facultatem, Intellectum utpote atqve voluntatem, pertulisse; Cum enim secundum utramqve animæ δύναμιν homines peccatis sint commaculati, iramqve DEI iustissimi promereantur, adeoqve gravissimis conscientiæ morsibus infestentur, æquum omninò erat, ut secundum utramqve animæ δύναμιν infinitus tristaretur Christus, ne in tristitia & angore seculis nullis terminando constitueremur. His præmissis & cum vera fidei analogia consonis hypothesebus facili negotio orthodoxa Thesis defenditur, quod sanctissima Christi anima in profundissima Exinanitione sua cruciatus infernales pro nobis verè sustinuerit. Et sane: Nonne in Christo sensus ac gustus interiorum, spiritualium atqve infernalium dolorum erat, in quo περιλυτία, ἐκθάμησης & ἀδημονία in excellentissimo gradu apparebat? *Ἐκθάμησης. Matth. XXVI. 6. ἀδημονεῖν. Marc. XIV. 33. λυπεῖσθαι. Luc. XXII. 44.* denotant vehementiam cruciatuum, ut humana lingua eos nunquam eloqui, nedum cogitatio comprehendere queat. Inde tristitiam suam arctissimam intimamqve significaturus in horto inquit: *negi- λυπός εἰμι ἡ ψυχὴ μου ὡς θανάτου. Matth. XXVI. 38.* Deinde negari non potest, nos supplicia infernalicia propter admissa scelera luere debuisse, nisi illa Christus pro

pro nobis sustinisset verè. Et hoc sensu factus est nostri vice κατ'εξ, five
maledictum. Gal. III. 13. ut nos à maledictione Legis divinæ & inferni li-
beros assereret, quod fieri non potuit alia via, nisi per Passionem suam do-
loribus infernalibus plenam. Porro, si Christus verè suscepit in se omnia
peccata nostra, Esa. LIII. 4. Unde etiam à Johanne Baptista Agnus DEI
vocatur, qui tollit peccata mundi, Joh. I. 29. poenas infernales simul susti-
nuisse ipsum oportuit, nam hæ cum peccatis nondum expiatis, individuo
nexu conjunctæ sunt. Nemo autem negare potest, quod Christus omnia
peccata nostra suscepit in se, ideò nec sustinebit negare, quod etiam
poenas peccatis debitas toleraverit. Quo respectu opera Diaboli destru-
xisse dicitur, I. Joh. III. 8. inter quæ etiam mors locum obtinet: non autem
temporariam abolevit, hac enim omnes homines perire necessum erat, re-
stat, ut liberati simus à morte æterna, quam gustavit mortis æternæ de-
structor. Proinde cum nos miseri peccatores æterna supplicia propter ad-
missa scelera luere debuimus, illa Christum pro nobis verè sustinuisse piè
credendum est; Alias si iram DEI & dolores infernales non sensit, neque
peccata nostra tulit: Ira quippe DEI & infernales poenæ sunt necessarium
consequens peccatorum; Sin peccata nostra non pertulit, quomodo pote-
rimus esse liberi à morte spirituali & æterna? Cum autem Servator noster
plenissimè sufficientissimè atque efficacissimè pro nobis satisfecit, omnes
etiam poenas nostras & cruciatus sustinuit. Multa in Codice sacro reperi-
mus exempla eorum, qui adversus atrocitatem peccatorum atrocissima sen-
serunt supplicia, ut in Cataclysmo, in πανολεθελία Sodomæ & Gommorrhæ,
in interitu Core, Datan & Abiram, ac in desolatione Hierosolymorum, sed
hæc vix comparari possunt eis, quibus DEUS Pater Filium suum tempore
Passionis innocentissimæ affecit. Sancti etiam Viri iram DEI contra pec-
cata gravissimam senserunt, nullus tamen in orbe unquam inventus est, qui
tanti ponderis tulit, quanti Christus. Illi tantum iræ divinæ guttulam pri-
mis labiis degustarunt, Christus autem totum ac immensum corpore &
anima poenarum infinitarum exhausit Oceanum. Et hæc est ἐπολύπωτος ὕψιστος
πόντος τῶν λόγων, non nova & inaudita impietas, ut R. Bellarm. L. IV. de Christi
anima cap. 8. loquitur, de qua Esaias ante DCC. annos (ad Passionem Christi
calculum ducendo) vaticinatus est Cap. LIII. 8. *Propter prævaricationem
populi mei plaga Ei.* Ideò præcedenti v. 3. ab eodem Vate vocatur וִיר
מְכָאבוֹ Vir dolorum. Hinc verba Jeremiæ, quæ Thren. I. 12. leguntur, ex
asse tum potuit facere sua: *Vos omnes transeuntes viam, aspiciete & videte,
an sit dolor meus, qui factus est mihi, quoniam mœstitia affecit Dominus in
die iræ nasi sui,* ex Versione B. A. Montani. Profecto locus, in quo Christi
anima circumquaqvè tristis erat, non hortus, sed infernus fere dicendus est.
In horto amoenitatem & delectationem animorum quærimus, Sap. II. 7. 8.
Sed hic nihil aliud Christum manebat, quàm summa omnium virium imbe-
cillitas, totius animæ dissolutio, ingens tristitia, angor, tremor, terror &
horror. De hac tristitia, quam Christus in anima sua tempore Exinanitio-
nis suæ tristissimæ pertulit, pluribus dicturi sunt novelli nostri Oratores,
qui

qui Dispositionibus præviis proprio Marte de eodem argumento concinnarunt προθυμιάσματα Oratoria, eaqvè sequenti ordine recitabunt:

PETRUS DZIKOVIUS, Thorunensis, expendit rationes, quare Christus Passionis suæ initium in horto fecerit.

JOH. JAC. DÜSTEL, Stargardiensis Borussus, Græco sermone explanat Tristitiam Christi, quam in anima sensit.

JOH. GEORG. ZOEBNER, Thorun. idem argumentum fusiore styli elegantia texit.

SALOMON ERNEST. LÜTKEN, Thor. remotas Tristitiæ hujus causas enucleat.

AD. PHILIP. BURSCHIUS, Friedlandiâ - Pomerellus, easdem causas Lingva Pelasga continuat.

EPHRAIM OLOFF, Thor. Latinam earundem interpretationem subjicit.

GEORG. HENR. CZIMMERMANN, Thorun. propinqvas mœstitiæ Christi causas enodat, Auditoribusqvè OO. OO. sacras faustasqvè Ferias Paschales precatur.

Ut igitur conatibus his faveant, Oratoresqvè nostros præsentia sua animent, Magnifici Civitatis hujus Proceres, DN. BURGGRABIUS REGIUS, DNI PRO - CONSULES, SCHOLARCHÆ & CONSULES, Experientiss. MEDICI, Adm. Rever. Verbi Divini MINISTRI, Spectabiles SCABINI, aliqvè Musarum Cultores & Fautores submissè, observanter atqve officiosè rogantur. PP. Dom. Palmarum, Anno M. DCC. VI.

